

**Uunga siunnersuut: Suliffeqarfiit innuttaasunik ikiortarialinnik suliffissaqartitsisut nalunaarsugaasut pillugit Inatsisartut inatsisaat nr. xx, xx. xxx 2019-imeersoq**

**Kapitali 1**

*Suliffeqarfinnik innuttaasunik ikiortarialinnik suliffissaqartitsisutut nalunaarsugaasunik akuersisarneq*

*Suliffeqarfittut innuttaasunik ikiortarialinnik suliffissaqartitsisutut nalunaarsugaasutut akuerineqarnissaq pillugu qinnuteqaat*

§ 1. Suliffeqarfik §§ 6-8-imi piumasaqaatinik naammassinnittoq, Inatsisartut inatsisaat malillugu suliffeqarfittut innuttaasunik ikiortarialinnik suliffissaqartitsisutut suliffeqarfiup nalunaarsorneqarnissaata akuerineqarnissaa pillugu Atuisartoqarnermut Unammilleqatigiinnermullu Aqutsisoqarfimmut qinnuteqarsinnaavoq, takuuk § 4.

*Imm. 2.* Suliffeqarfiup suliffeqarfittut innuttaasunik ikiortarialinnik suliffissaqartitsisutut nalunaarsorneqarnissap akuerineqarnissaa pillugu qinnuteqarnerani suliffeqarfiup uppersaait uku Atuisartoqarnermut Unammilleqatigiinnermullu Aqutsisoqarfimmut nassiutissavai:

- 1) Suliffeqarfik nammineq CVR-normoqartoq, Kalaallit Nunaanni angerlarsimaffeqartoq, uppersaait.
- 2) Suliffeqarfik inummit ataatsimit ingerlanneqartoq aamma suliffeqarfik piginneqatigiinnikkut pilersinneqarsimasoq uppersaait, takuuk § 6.
- 3) Suliffeqarfiup inunnik ikiortarialinnik siunertaqarneranut, takuuk § 7, imm. 1, nr. 1, aamma suliffeqarfiup malittarisassaani imaluunniit malittarisassaqaanngippat pilersinneqarnerani uppersaammit takuneqarsinnaalluni inunnik ikiortarialinnik siunertaqarneranut uppersaait.
- 4) Suliffeqarfiup inuussutissarsiutigalugu ingerlanneqarneranut uppersaait, takuuk § 7, imm. 1, nr. 2.
- 5) Suliffeqarfiup pisortanut attuumassuteqaannginneranut uppersaait, takuuk § 7, imm. 1, nr. 3.
- 6) Suliffeqarfiup sulinermini qanoq akuutitsineranut akisussaanerannullu nassuiaat, takuuk § 7, imm. 1, nr. 4.
- 7) Suliffeqarfiup sinneqartoortiminit inunnik ikiortarialinnik passussineranut uppersaait, takuuk § 7, imm. 1, nr. 5.

§ 2. Suliffeqarfittut innuttaasunik ikiortarialinnik suliffissaqartitsisutut nalunaarsugaasutut akuerineqarnissaq pillugu suliffeqarfiup qinnuteqaataa Atuisartoqarnermut Unammilleqatigiinnermullu Aqutsisoqarfimmit suliarineqartumik tamanullu saqqummiunneqarsimasumik qinnuteqarnermi immersugassamik atuilluni nassiunnissaa, aamma qinnuteqaatip emailip allatigulluunniit digitalikkut atassuteqaatit atorlugit nassiunneqarnissaa pillugu aalajangersakkanik Naalakkersuisut aalajangersaasinnaapput.

§ 3. Suliffeqarfik suliffeqarfittut innuttaasunik ikiortarialinnik suliffissaqartitsisutut nalunaarsugaasutut akuerineqarnissaq pillugu qinnuteqartoq, qinnuteqaatip suliarineqarneranut suliamilu aalajangiinissamut pisariaqartunik paasissutissanik tamanik uppernarsaatinillu tamanik nassiussissaaq.

*Imm. 2.* Paasissutissanik uppernarsaatinillu Atuisartoqarnermut Unammilleqatigiinnermullu Aqutsisoqarfiup pisariaqartutut isigisaannik, aammalu Atuisartoqarnermut Unammilleqatigiinnermullu Aqutsisoqarfiup pisariaqartutut isigisaatut aammalu pisariaqartitaatut iluseqartumik, nassiusseqqullugu, Atuisartoqarnermut Unammilleqatigiinnermullu Aqutsisoqarfiup qinnuteqaatip suliarineqarnerani aalajangiiffigineqarneranilu suliffeqarfik peqqusinnaavaa.

*Suliffeqarfittut innuttaasunik ikiortarialinnik suliffissaqartitsisutut nalunaarsuiner  
mut akuersissuteqarneq*

§ 4. Suliffeqarfik §§ 6-8-imi piumasaqaatinik naammassinnissimappat, suliffeqarfittut innuttaasunik ikiortarialinnik suliffissaqartitsisutut suliffeqarfiup nalunaarsorneqarnissaa akuerineqartoq suliffeqarfik nalunaarfigneqassasoq, Atuisartoqarnermut Unammilleqatigiinnermullu Aqutsisoqarfik aalajangiisinaavoq.

*Imm. 2.* Imm. 1 malillugu akuersissuteqarneq atugassarititaasut aalajangersimasut malillugit nalunaarutigineqarsinnaavoq, ilanngullugit §§ 6-8-imi piumasaqaatinik aamma akuersissuteqarnermut aammalu akuersissuteqarnerup atorunnaarnissaa utertinneqarnissaalu pillugit atugassarititaasunik attuumassuteqartunik allanik suliffeqarfiup naammassinninnissaa.

*Suliffeqarfittut innuttaasunik ikiortarialinnik suliffissaqartitsisutut nalunaarsorneqarnissamut  
akuersissuteqarnerup utertinneqarnera*

§ 5. Suliffeqarfiup § 4 malillugu akuerineqarsimasup, §§ 6-8-imi piumasaqaammik ataatsimik arlalinnilluunniit naammassinninngippat, suliffeqarfiup tamanna ingerlaannartumik Atuisartoqarnermut Unammilleqatigiinnermullu Aqutsisoqarfimmut nalunaarutigissavaa. Nalunaaruteqarnissamut pisussaaffeqarnermut ilaapput suliffeqarfimmi qitiusumik aqutsisutut oqartussani ilaasortat tamarmik.

*Imm. 2.* Suliffeqarfiup §§ 6-8-imi nalunaarsorneqarnissamut piumasaqaatit tamaasa naammassisimanngippagit, § 4 malillugu akuersissuteqarnerup utertitsinneqarnissaa pillugu Atuisartoqarnermut Unammilleqatigiinnermullu Aqutsisoqarfik aalajangiisinaavoq. Akuersissuteqarnerup utertitsinneqarnissaa pillugu Atuisartoqarnermut Unammilleqatigiinnermullu Aqutsisoqarfik aalajangiitinnagu, suliffeqarfiup tamanna qinnutigippagu, aammalu piffissaliussap naammaginartup iluani suliffeqarfik iluarsisinnaasoq Atuisartoqarnermut Unammilleqatigiinnermullu Aqutsisoqarfik naliliippat, §§ 6-8-imi nalunaarsugaanissamut piumasaqaatit naammassineqarsimanngitsut iluarsineqarnissaannut suliffeqarfimmut nalunaarsugaasimasumut Atuisartoqarnermut Unammilleqatigiinnermullu Aqutsisoqarfik piffissamik naammaginartumik piffissaliisinaavoq. Suliffeqarfik §§ 6-8-imi piumasaqaatinik naammassineqarsimanngitsunik piffissaliussap aalajangersarneqarsimasup iluani

iluarsiisinnaangippat, akuersissutip utertinneqarnissaa pillugu Atuisartoqarnermut Unammilleqatigiinnermullu Aqutsisoqarfik aalajangiissaaq.

## **Kapitali 2**

*Suliffeqarfittut innuttaasunik ikiortarialinnik suliffissaqartitsisutut nalunaarsorneqarneq*

*Suliffeqarfittut innuttaasunik ikiortarialinnik suliffissaqartitsisutut nalunaarsugaanissamut piumasagaatit*

**§ 6.** Suliffeqarfik Kalaallit Nunaanni suliffeqarfiit nalunaarsuiffianni nammineq nalunaarsugaanermi normoqarpat (CVR-normu), aamma Kalaallit Nunaanni najugaqarpat, Inatsisartut inatsisaat malillugu suliffeqarfittut innuttaasunik ikiortarialinnik suliffissaqartitsisutut nalunaarsorsimasinnaavoq, taamaattoq takuuk imm. 2 aamma §§ 7-9.

*Imm. 2.* Suliffeqarfik inummit ataatsimit ingerlanneqartoq aamma suliffeqarfik piginneqatigiinnikkut pilersinneqarsimasoq, Inatsisartut inatsisaat malillugu suliffeqarfittut innuttaasunik ikiortarialinnik suliffissaqartitsisutut nalunaarsorneqarsinnaangilaq.

**§ 7.** Suliffeqarfik piumasagaatit makkua tamaasa naammassisimagunigit aatsaat, suliffeqarfittut innuttaasunik ikiortarialinnik suliffissaqartitsisutut nalunaarsorneqarsinnaavoq:

- 1) Suliffeqarfik innuttaasunik ikiuiniarnermik siunertaqassaaq. Suliffeqarfiup innuttaasunut ikiuiniarnermik siunertaqarnera suliffeqarfiup malittarisassaani imaluunniit malittarisassaqaqanngippat pilersinneqarnerani uppersaammi takuneqarsinnaassaaq.
- 2) Suliffeqarfik inuussutissarsiornermik ingerlataqartuussaaq.
- 3) Suliffeqarfik pisortanut attuumassuteqassanngilaq.
- 4) Suliffeqarfik sulinermini akuutitsisuussaaq akisussaassuseqartuussallunilu.
- 5) Suliffeqarfik akileraaruteqareernermi angusaminik ingerlatat uku arlaannut ataatsimut arlalinnulluunniit atuinermigut sinneqartoorutiminit innuttaasunik ikiortarialinnik isumaginnissaaq:
  - a) Nammineq suliffeqarfimmini aningaasaleeqqinneq.
  - b) Suliffeqarfittut innuttaasunik ikiortarialinnik suliffissaqartitsisutut nalunaarsugaasimasunut allanut aningaasaliineq imaluunniit tunissuteqarneq.
  - c) Kattuffinnut tamanut iluaqutaasussanik imaluunniit tamanut ajunngitsuliornissamik siunertaqartunut tunissutit.
  - d) Suliffeqarfimmik piginnittunut iluanaarutininik allatigulluunniit agguagarsiassanik killeqartumik akiliineq, takuuk § 8.

**§ 8.** Suliffeqarfittut innuttaasunik ikiortarialinnik suliffissaqartitsisutut nalunaarsugaasumi piginnittut, aallaqqaammut aningaasaliissutaqqaartut annertoqataannik aallaqqaammut aningaasaliissutaqqaarsimasut ukiumut naammaginaratumik erniaqartinneranut naapertuuttunik suliffeqarfimmi piffissami pigisimasaminni ataatsimut ajunngitsorsiassanik taamaallaat tigusisinnaatitaapput. Qanoq ernialersuineq naammaginaruunersoq pisunik ataasiakkaanik tamaginni naliliisoqarneratigut tamanna aalajangerneqartassaaq, taamaattoq takuuk imm. 2.

*Imm. 2.* Pisortat erniatut kisitsisut qaqugukkulluunniit aalajangiinerat 15 procentimik tapeqartillugu qaangerlugu ukiumut erniortinneqarsimappat, imaluunniit akileraaruteqareernermi suliffeqarfiup angusaanit 35 procentit sinnerlugit iluanaarutitut akilerneqarpata, erniortitsineq naammaginassanngilaq.

*Imm. 3.* Pissarsiassanik tunniussisoqassappat, pissarsiassanut aalajangersakkanut suliffeqarfiup inatsisit allat, taassuma malittarisassai imaluunniit malittarisassaqaarsimangippat pilersitsinermut uppernarsaat immaqalu tamatumunnga isumaqatigiissut, malillugit malitassaannut naapertuuttumik tamanna pissaaq.

*Suliffeqarfittut innuttaasunik ikiortarialinnik suliffissaqartitsisutut nalunaarsuineq*

**§ 9.** Suliffeqarfiup suliffeqarfittut innuttaasunik ikiortarialinnik suliffissaqartitsisutut nalunaarsorneqarnissaa akuerineqarsimappat, takuuk § 4, aammalu suliffeqarfittut innuttaasunik ikiortarialinnik suliffissaqartitsisutut nalunaarsugaanissamut piumasaqaatinik naammassinnilluni, takuuk §§ 6-8, suliffeqarfik aatsaat suliffeqarfittut innuttaasunik ikiortarialinnik suliffissaqartitsisutut nalunaarsorneqarsinnaavoq.

*Imm. 2.* Suliffeqarfik suliffeqarfittut innuttaasunik ikiortarialinnik suliffissaqartitsisutut nalunaarsorneqarnissamut akuerineqarsimasoq, takuuk § 4, kapitali 4 naapertorlugu suliffeqarfinnut innuttaasunik ikiortarialinnik suliffissaqartitsisutut nalunaarsuiffimmi suliffeqarfik nalunaarsortissavaa. Nalunaarsuiffimmi nalunaarsorneqarnermi suliffeqarfiup ilaatigut suliffeqarfittut innuttaasunik ikiortarialinnik suliffissaqartitsisutut nalunaarsugaasutut akuerineqarnermi assinga tamanut saqqummiutissavaa.

*Suliffeqarfittut innuttaasunik ikiortarialinnik suliffissaqartitsisutut nalunaarsugaajunnaarneq*

**§ 10.** Suliffeqarfik, suliffeqarfittut innuttaasunik ikiortarialinnik suliffissaqartitsisutut nalunaarsuiffimmi suliffeqarfittut innuttaasunik ikiortarialinnik suliffissaqartitsisutut nalunaarsugaasimasoq, takuuk kapitali 4, §§ 6-9-imi nalunaarsuinissamut piumasaqaatinik tamanik naammassinnikkunnaarpat, suliffeqarfiup sapinngisamik piaartumik nalunaarsuiffimmi nalunaarsorsimajunnaarnissaq isumagissavaa. Taamaattoq suliffeqarfiup §§ 6-9-imi nalunaarsorneqarnissamut piumasaqaatit naammassineqarsimangitsut piffissaliussap naleqquttup malillugu Atuisartoqarnermut Unammilleqatigiinnermullu Aqutsisoqarfimmit imm. 2 malillugu aalajangersarneqartup iluani, iluarsisimappagit, suliffeqarfiup taamatut nalunaarsorsimajunnaarnissaq isumagissanngilaa.

*Imm. 2.* Suliffeqarfik tamatuminnga qinnuteqarpat, aamma suliffeqarfik piffissaliussap naammaginartup iluani iluarsisinnaasoq Atuisartoqarnermut Unammilleqatigiinnermullu Aqutsisoqarfimmi naliliippat, §§ 6-9-imi nalunaarsugaanissamut piumasaqaatit naammassineqarsimangitsut iluarsineqarnissaannut suliffeqarfimmut nalunaarsugaasimasumut Atuisartoqarnermut Unammilleqatigiinnermullu Aqutsisoqarfik piffissamik naammaginartumik piffissaliinermik aalajangiissaaq.

*Imm. 3.* Suliffeqarfimmi nalunaarsorsimasumi qitiusumi aqutsisutut oqartussap suliffeqarfinnut innuttaasunik ikiortarialinnik suliffissaqartitsisunut nalunaarsuiffimmi suliffeqarfiup nalunaarsorsimajunnaarsinnissaa akisussaaffigaa, takuuk kapitali 4.

*Suliffeqarfittut innuttaasunik ikiortarialinnik suliffissaqartitsisutut nalunaarsugaanermut taaguutip atorpeqarnissaanut suliffeqarfiit nalunaarsorsimasut kisermaassisussaataitanerat*

**§ 11.** Suliffeqarfiit kapitali 4 naapertorlugu suliffeqarfinnut innuttaasunik ikiortarialinnik suliffissaqartitsisunut nalunaarsuiffimmi nalunaarsorsimasut, atiminni nittarsaanerminnilu suliffeqarfittut innuttaasunik ikiortarialinnik suliffissaqartitsisutut nalunaarsugaanermut taaguutip atorunnissaanut kisermaassisussaataapput.

*Imm. 2.* Suliffeqarfik § 4 naapertorlugu nalunaarsorneqarnissaq Atuisartoqarnermut Unammilleqatigiinnermullu Aqutsisoqarfimmit akuerineqarsimappat, aammalu kapitali 4 naapertorlugu suliffeqarfinnut innuttaasunik ikiortarialinnik suliffissaqartitsisunut nalunaarsuiffimmi suliffeqarfittut innuttaasunik ikiortarialinnik suliffissaqartitsisutut nalunaarsorsimalluni, aatsaat suliffeqarfittut innuttaasunik ikiortarialinnik suliffissaqartitsisutut nalunaarsorsimasutut taaguutip atorpeqarnissaanut suliffeqarfik pisinnaatitaavoq.

### **Kapitali 3**

#### *Suliffeqarfiup pisussaaffii*

##### *Qitiusumik aqutsisutut oqartussasut pisussaaffii*

**§ 12.** Suliffeqarfiup oqartussanut paasissutissanik tunniussinerani aammalu pissutsit Inatsisartut inatsisaanni pineqartunut ilasut pillugit paasissutissanik nalunaarsuinerani, suliffeqarfiup eqqortunik tamakkiisunillu paasissutissanik tunniussinissaanut, suliffeqarfimmi qitiusumi aqutsisutut oqartussaasoq akisussaaffeqarpoq. Akisussaaffeqarnermi ilatigut suliffeqarfiup paasissutissanik tunniussinera pineqartunut ilaavoq:

- 1) Suliffeqarfiup suliffeqarfittut innuttaasunik ikiortarialinnik suliffissaqartitsisutut nalunaarsorneqarnissaanik akuersissuteqarnissamik qinnuteqarnermi.
- 2) Suliffeqarfiup suliffeqarfinnut innuttaasunik ikiortarialinnik suliffissaqartitsisunut nalunaarsuiffimmi suliffeqarfittut innuttaasunik ikiortarialinnik suliffissaqartitsisutut nalunaarsorneqarnerani.
- 3) Suliffeqarfiup pissutsit Inatsisartut inatsisaanni pineqartunut ilaasut pillugit nalunaarusiornerani.
- 4) Suliffeqarfiup oqartussat suliffeqarfimmut tassungalu tunngasunik ingerlataannillu nakkutilliinerani paasissutissanik tunniussinerani.

##### *Nalunaarusiorneq aamma nalunaarusianik nalunaarsuineq*

**§ 13.** Suliffeqarfik innuttaasunik ikiortarialinnik suliffissaqartitsisutut nalunaarsorsimasoq ukiumoortumik naatsorsuutit pillugit inatsisip Kalaallit Nunaannut atuutilersinneqarnera pillugu

peqqussut naapertorlugu ukiut tamaasa ukiumut nalunaarusiamik saqqummiussisassaaq minnerpaamillu naatsorsuusiordermi malitassanut B-nut maleruagassat malissallugit.

*Imm. 2.* Suliffeqarfiup innuttaasunik ikiortarialinnik suliffissaqartitsisutut nalunaarsorsimasup imm. 1 naapertorlugu ukiumoortumik nalunaarusiaq, kingusinnerpaamik suliffeqarfiup ukiumoortumik naatsorsuutit pillugit inatsisip Kalaallit Nunaannut atuutilersinneqarnera pillugu peqqussummi tamanna pillugu aalajangersakkat naapertorlugit ukiumoortumik nalunaarusiamik Inuussutissarsiordermut Aqutsisoqarfimmut nassiussineranut peqatigitillugu, Atuisartoqarnermut Unammilleqatigiinnermullu Aqutsisoqarfimmut nassiutissavaa.

*Imm. 3.* Ukiumoortumik naatsorsuutit pillugit inatsisip Kalaallit Nunaannut atuutilersinneqarnera pillugu peqqussut malillugu ukiumoortumik nalunaarusiamut piumasaqaatit saniatigut, ukiumoortumik nalunaarusiamik nassiussineranut atatillugu ukiut tamaasa suliffeqarfittut innuttaasunik ikiortarialinnik suliffissaqartitsisutut nalunaarsugaasimasup pissutsit uku pillugit nalunaarusiussaaq:

- 1) Aqutsisuni maannakkut siusinnerusukkullu ilaasortat sulinerannut akissarsiat tamarmiusut aqutsisuni oqartussanut ataasiakkaarlugit agguarlugit aamma suliffeqarfiup pilersitsisuinut piginnittuinullu akissarsiat.
- 2) Qanittumik suleqatigisanut isumaqatigiissutit.
- 3) Aningaasat tigorianaat pigisallu nalillit allat suliffeqarfiup pisuussutaanit agguagarsiaasut imaluunniit agguanneqartut.
- 4) Suliffeqarfiup § 7, imm. 1, nr. 1 naapertorlugu innuttaasunik ikiortarialinnut siunertani qanoq naammassineraa, § 7, imm. 1, nr. 3 naapertorlugu qanoq pisortanut attuumassuteqannginnersoq, aamma § 7, imm. 1, nr. 4 naapertorlugu sulinermini qanoq akuutitsinersoq akisussaassuseqarnerorlu.

*Imm. 4.* Suliffeqarfik innuttaasunik ikiortarialinnik suliffissaqartitsisutut nalunaarsorsimasoq pissarsiassanik akiliippat, suliffeqarfik naatsorsuineramik akiliineranut atatillugu aningaasaatini aningaasaliissutaasimasut erniortinneqarnerannik takutitsisumik, Atuisartoqarnermut Unammilleqatigiinnermullu Aqutsisoqarfimmut nassiussisaaq. Erniortitsineq naammaginartutut isigineqarsinnaasoq sooq suliffeqarfik isumaqarnersoq tunngavilersorneqassaaq.

*Imm. 5.* Paasissutissat imm. 3, nr. 1-4-imi taaneqartut suliffeqarfiup ukiumoortumik nalunaarusiaani takuneqarsinnaappata, paasissutissat imm. 3 malillugu nalunaarutigineqarsimasutut isigineqassapput.

**§ 14.** Suliffeqarfiup ukiumoortumik nalunaarusiaa aamma § 13 malillugu allatigut nalunaarusiaa suliffeqarfinnut innuttaasunik ikiortarialinnik suliffissaqartitsisunut nalunaarsuiffimi nalunaarsorneqassaaq, takuuk kapitali 4.

#### *Akissarsiat*

**§ 15.** Akissarsianik tunniussinerup aningaasanit, suliaqarnerup suussusaa suliaqarnerullu annertussusaa malillugu naliginnaasutut isigineqartunit, aammalu suliffeqarfiup innuttaasunik ikiortarialinnut siunertaanut sanilliullugu isumannaatsutut isigineqartariaqartunit,

annertunerunginnissaa, suliffeqarfimmi innuttaasunik ikiortarialinnik suliffissaqartitsisutut nalunaarsorneqartumi qitiusumik aqutsisutut oqartussat nakkutigissavaat.

*Atorunnaarsitsineq, aningaasaatit appartinneri aamma nalunaarsorsimajunnaarneq*

§ 16. Suliffeqarfittut innuttaasunik ikiortarialinnik suliffissaqartitsisutut nalunaarsorsimasup atorunnaarsinnerani sinneqartoorutaasimasut § 7, imm. 1, nr. 5 naapertorlugit atorneqassapput.

*Imm. 2.* Suliffeqarfittut innuttaasunik ikiortarialinnik suliffissaqartitsisutut nalunaarsugaasimasumi aningaasaatit appartinnerini agguagarsiat § 7, imm. 1, nr. 5-imi aalajangersarneqarsimasut killiliussat iluanni tunniunneqassapput.

*Imm. 3.* Suliffeqarfimmi innuttaasunik ikiortarialinnik suliffissaqartitsisutut nalunaarsorsimasumi aningaasaatit appartinneqarneranni, inatsisini allani aningaasaatinik appartitsisarneq pillugu maleruagassat sukkulluunniit atuuttut naammassineqarsimassapput.

*Imm. 4.* § 7, imm. 1, nr. 5 malillugu suliffeqarfiup sinneqartoorutaannit innuttaasunik ikiortarialinnik isumaginnissamut pisussaaffeqarneq, sinneqartoorutinit suliffeqarfiup, suliffeqarfittut innuttaasunik ikiortarialinnik suliffissaqartitsisutut nalunaarsorsimanerani katersorneqarsimasunut tunngatillugu, suliffeqarfittut innuttaasunik ikiortarialinnik suliffissaqartitsisutut nalunaarsorsimajunnaarnerata kingorna aamma atuutissaaq.

#### **Kapitali 4**

*Suliffeqarfinnut innuttaasunik ikiortarialinnik suliffissaqartitsisunut nalunaarsuinermut nalunaarsuiffik*

§ 17. Naalackersuisut inatsisartut inatsisaat malillugu suliffeqarfiit suliffeqarfittut innuttaasunik ikiortarialinnik suliffissaqartitsisutut nalunaarsugaanerannut atugassamik nalunaarsuiffimmik pilersitsillutillu ingerlatsissapput, taamaattoq takukkit imm. 2 aamma 3.

*Imm. 2.* Naalackersuisut sinnerlugit oqartussaq imaluunniit suliffeqarfik imm. 1 malillugu nalunaarsuiffimmik pilersitsissasoq ingerlatsissasorlu, Kalaallit Nunaanni imaluunniit Danmarkimi pisortani oqartussamut imaluunniit pisortat suliffeqarfiutaannut Naalackersuisut isumaqatigiissuteqarsinnaapput.

*Imm. 3.* Inatsisartut inatsisaat malillugu suliffeqarfittut innuttaasunik ikiortarialinnik suliffissaqartitsisutut suliffeqarfiit nalunaarsornissaannut atugassatut, oqartussap imaluunniit suliffeqarfiup nalunaarsuiffia Naalackersuisunit atorneqassasoq, pillugu Kalaallit Nunaanni imaluunniit Danmarkimi pisortani oqartussamut imaluunniit pisortat suliffeqarfiutaannut Naalackersuisut isumaqatigiissuteqarsinnaapput.

§ 18. § 17 malillugu nalunaarsuiffimmik pilersitsinissaq ingerlatsinissarlu aammalu tassunga atatillugu pissutsit attuumassuteqartut tamaasa pillugit aalajangersakkanik erseqqinnerusunik Naalackersuisut aalajangersaasinnaapput. Naalackersuisut pissutsit makkua pillugit aalajangersakkanik erseqqinnerusunik aalajangersaasinnaapput:

- 1) Nalunaarsuiffimmik pilersitsineq ingerlatsinerlu.
- 2) Nalunaarsuiffimmut isersinnaaneq atorneqarneralu .
- 3) Inatsisartut inatsisaat malillugu nalunaarsuineq nalunaarsugaajunnaarsitsinerlu.

- 4) Inatsisartut inatsisaat malillugu nalunaarusiornerit.
- 5) Inatsisartut inatsisaat malillugu nalunaarsuinerni, nalunaarsugaajunnaarsitsinermit nalunaarusiornermilu IT atorlugu periaatsinik aalajangersimasunik, immikkut digitalikkut ilutsinik, digitalikkut atsionernik aamma ilusissaannut imarisassaannullu piumasagaatinik allanik atuinissaq.
- 6) Paasissutissat nalunaarsuiffimmiittussat paasissutissallu qanoq annertutigisumik tamanit pissarsiarineqarsinnaaneri.
- 7) Inatsisartut inatsisaat malillugu nalunaarsuinermit, nalunaarsugaajunnaarsitsinermit nalunaarusiornermullu akisussaaneq, ilanngullugit ilaatigut nalunaarsuinerup, nalunaarsugaajunnaarsitsinerup nalunaarusiornerulluunniit isumaginissaanut pissusissamisoortumik piginnaatitsissut aamma tassunga atatillugu uppersaait atuuttuuneri.
- 8) Nalunaarsuiffimmut isersinnaanermut atorneqarneranullu atatillugu aningaasartuutinik akiliineq, ilanngullugit ilaatigut nalunaarsuinermit akiliutit akilerneqarneri, kingusinaartumik akiliinermit akileeqqusinermit allakkiat aamma kingusinaartumik akiliinermit ernianik akiliinerit.

## **Kapitali 5**

### *Digitalimik attaveqaqatigiinneq*

§ 19. Naalackersuisut, pisortani oqartussat, pisortat suliffeqarfiisa imaluunniit suliffeqarfiit namminersortut aamma inuit Inatsisartut inatsisaanni imaluunniit aalajangersakkani Inatsisartut inatsisaat malillugu aalajangersagaasuni pineqartunut ilaasut, akornanni digitalimik attaveqaqatigiinneq pillugu aalajangersakkanik Naalackersuisut aalajangersaasinnaapput, ilanngullugu pisussaaffigalugu digitalimik attaveqaqatigiinneq.

*Imm. 2.* Digitalimik attaveqaqatigiinneq pillugu piumasagaatit saneqqunneqarnissaat pillugu aalajangersakkanik erseqqinnerusunik Naalackersuisut aalajangersaasinnaapput.

*Imm. 3.* Digitalimik nalunaaruteqarneq, taanna nassiussivigineqartumut digitalimik pissarsiarineqarsinnaalerpat, apuussimasutut isigineqassaaq, takukkit pisortani Digitalimik Allakkerineq pillugu Inatsisartut inatsisaat nr. 14, 8. juni 2017-imeersumi § 15, nr. 1-imi tungaviusut.

## **Kapitali 6**

### *Atuisartoqarnermut Unammilleqatigiinnermullu Aqutsisoqarfiup nakkutilliinera aamma oqartussat suliarinninnerat ilaalu ilanngullugit*

§ 20. Atuisartoqarnermut Unammilleqatigiinnermullu Aqutsisoqarfik Inatsisartut inatsisaanni pineqartunut ilaasunut tungasunut nakkutilliisuvoq.

*Imm. 2.* Inatsisartut inatsisaata, aalajangersakkat Inatsisartut inatsisaat malillugu aalajangersagaasut aamma akuersissuteqarnermit tungavissarititaasut naammassineqarnissaat pillugu Atuisartoqarnermut Unammilleqatigiinnermullu Aqutsisoqarfik peqqussuteqarsinnaavoq. Peqqussuteqarneq suliffeqarfinnut aamma inunnet Inatsisartut inatsisaanni pineqartunut ilasunut nalunaarutigineqarsinnaavoq. Inuit nakkutilliisut, tamanna nakkutilliinerup ingerlanneqarnissaanut pisariaqassappat, eqqartuussisumit aalajangiinertaqanngitsumik pissusissamisoortumillu



kinaassutsimik uppersaateqarluni qaqugukkulluunniit Inatsisartut inatsisaannut ilaasunik suliffeqarfiup immikkoortuinut tamanut ingerlatanullu tamanut isersinnaatitaapput.

*Imm. 3.* Suliffeqarfiit aamma inuit Inatsisartut inatsisaanni pineqartunut ilaasut paasissutissat oqartussat suliarinninnissamut aamma Inatsisartut inatsisaanni pineqartunut ingerlataqarnernut pisariaqartut tamaasa Atuisartoqarnermut Unammilleqatigiinnermullu Aqutsisoqarfimmut nalunaarutigissavaat aammalu allakkiaat tamaasa nassiutissallugit. Atuisartoqarnermut Unammilleqatigiinnermullu Aqutsisoqarfiup Inatsisartut inatsisaat malillugu oqartussat suliarinninnerup ingerlanneqarnissaanut suliffeqarfiit aamma inuit Inatsisartut inatsisaanni pineqartunut ilaasut paasissutissanik allakkianillu Atuisartoqarnermut Unammilleqatigiinnermullu Aqutsisoqarfiup pisariaqarsorisannik, aammalu Atuisartoqarnermut Unammilleqatigiinnermullu Aqutsisoqarfiup pisariaqartitaatut iliorlutik aammalu iluseqartillugit, nassiussinissamik peqqusinnaavai.

*Imm. 4.* Suliffeqarfiit aamma inuit Inatsisartut inatsisaanni pineqartunut ilaasut, pissutsit ingerlatallu Inatsisartut inatsisaanni akuersissuteqarnernilu pineqartunut ilaasut pillugit nalunaarusianik Atuisartoqarnermut Unammilleqatigiinnermullu Aqutsisoqarfimmut nassiussissapput. Suliffeqarfittut innuttaasunik ikiortarialinnik suliffissaqartitsisutut nalunaarsorsimasut ukiut tamaasa § 13 malillugu ukiumoortumik nalunaarusiamik Atuisartoqarnermut Unammilleqatigiinnermullu Aqutsisoqarfimmut nassiussisassapput, tamatumalu saniatigut tamanna Atuisartoqarnermut Unammilleqatigiinnermullu Aqutsisoqarfimmit pisariaqartutut isigineqarpat, nalunaarusianik Atuisartoqarnermut Unammilleqatigiinnermullu Aqutsisoqarfimmut nassiutissallutik.

*Imm. 5.* Nalunaarusiorneq pillugu aalajangersakkanik erseqqinnerusunik Naalakkersuisut aalajangersaasinnaapput.

*Imm. 6.* Atuisartoqarnermut Unammilleqatigiinnermullu Aqutsisoqarfik Inatsisartut inatsisaat malillugu akuersissuteqarnerni aalajangiinernilu nalunaarusiortarneq pillugu piumasaqaatinik aalajangersaasinnaavoq.

**§ 21.** Suliffeqarfiit inuillu inatsisartut inatsisaanni pineqartunut ilaasut suliamik suliarinninnermut allatigullu inatsisartut inatsisaat malillugu oqartussat suliarinninnermut atatillugu aningaasartuutunik akiliissapput. Akiliineq akiliutitut imaluunniit aningaasartuutit utertinnerisigut akileeqqusinikkut pisinnaavoq.

*Imm. 2.* Imm. 1 malillugu oqartussat aningaasartuutaannik suliffeqarfiit inuillu akiliinissaat pillugu aalajangersakkanik erseqqinnerusunik Naalakkersuisut aalajangersaasinnaapput.

*Imm. 3.* Imm. 1 malillugu oqartussat aningaasartuutaannik suliffeqarfiit inuillu akiliisarnerat pillugu atugassarititaasunik erseqqinnerusunik, Inatsisartut inatsisaat malillugu akuersissuteqarnerni aalajangiinernilu Atuisartoqarnermut Unammilleqatigiinnermullu Aqutsisoqarfik aalajangersaasinnaavoq.

**§ 22.** Ingerlatat pissutsillu Inatsisartut inatsisaanni pineqartunut ilaasut pillugit ukiumoortumik nalunaarusiamik aamma ukiup siuliani Inatsisartut inatsisaat malillugu Atuisartoqarnermut Unammilleqatigiinnermullu Aqutsisoqarfiup nakkutilliinera aalajangiinerilu pillugit ukiut tamaasa

kingusinnerpaamik februarip aallaqqaataani Atuisartoqarnermut Unammilleqatigiinnermullu Aqutsisoqarfik Naalakkersuisunut nassiussisassaaq.

*Imm. 2.* Ingerlatat pissutsillu Inatsisartut inatsisaanni pineqartunut ilaasut pillugit nalunaarusianik allanik aamma paasissutissanik allanik aamma Inatsisartut inatsisaat malillugu Atuisartoqarnermut Unammilleqatigiinnermullu Aqutsisoqarfiup nakkutilliinera aalajangiisarneralu pillugit Atuisartoqarnermut Unammilleqatigiinnermullu Aqutsisoqarfiup Naalakkersuisunut nassiussisarnissaa pillugu Naalakkersuisut aalajangersakkanik aalajangersaasinnaallutillu aalajangiisinnaapput.

## **Kapitali 7**

### *Naammagittaalliorsinnaaneq*

**§ 23.** Inatsisartut inatsisaat malillugu imaluunniit aalajangersakkat Inatsisartut inatsisaat malillugu aalajangersarneqartut malillugit Atuisartoqarnermut Unammilleqatigiinnermullu Aqutsisoqarfimmit aalajangiiffigineqartut pillugit naammagittaalliuut, kingusinnerpaamik aalajangiinerup pineqartumut nalunaarutigineraniit sapaatit akunneri 4-t qaangiutsinnagit Atuisartut Pisisartullu Maalaarutaannit Aalajangiisartunut suliaassanngortinneqarsinnaapput, taamaattoq takuuk imm. 2.

*Imm. 2.* § 5, imm. 2 imaluunniit § 10, imm. 2 malillugit iluarsiinissamut piffissaliussap aalajangersarneqarnera pillugu Atuisartoqarnermut Unammilleqatigiinnermullu Aqutsisoqarfiup aalajangiineranut naammagittaalliuut Atuisartut Pisisartullu Maalaarutaannit Aalajangiisartunut imaluunniit allaffissornikkut oqartussanut allanut suliaassanngortinneqarsinnaanngilaq.

*Imm. 3.* Naammagittaalliuuteqartoq naammagittaalliummi taperserreqassanngitsoq Atuisartut Pisisartullu Maalaarutaannit Aalajangiisartut qularinngippassuk, naammagittaalliummik imm. 1-imut pineqartunut ilaasumik suliarinninnissaq Atuisartut Pisisartullu Maalaarutaannit Aalajangiisartunit itigartinneqarsinnaavoq.

*Imm. 4.* Inuussutissarsiortut atuisartunit naammagittaalliuutigineqarnerat pillugu suliaasanik Atuisartut Pisisartullu Maalaarutaannit Aalajangiisartut suliarinnittarnerat aalajangiisarneralu pillugu tuniniaanissamik nittarsaassisarneq aamma nalunaaqutsersuisarneq pillugu inatsisartut inatsisaanni (nittarsaassinermut inatsit) aalajangersakkat, Inatsisartut inatsisaat manna malillugu allatut pisoqartussaasimanngippat, naammagittaalliummik imm. 1-imi pineqartunut ilaasumik Atuisartut Pisisartullu Maalaarutaannit Aalajangiisartut suliarinninnerannut aalajangiinerannullu taamaaqataanik atuutissapput.

**§ 24.** Atuisartoqarnermut Unammilleqatigiinnermullu Aqutsisoqarfiup Inatsisartut inatsisaat imaluunniit aalajangersakkat Inatsisartut inatsisaat malillugu aalajangersagaasut malillugit aalajangiineranut naammagittaalliuut, allaffissornikkut oqartussamut allanut suliakkiunneqarsinnaanngilaq.

*Imm. 2.* Atuisartoqarnermut Unammilleqatigiinnermullu Aqutsisoqarfiup aalajangiineranut naammagittaalliuut taamaallaat Atuisartut Pisisartullu Maalaarutaannit Aalajangiisartuni misilitsinneqareernerata kingorna eqqartuussivinnut suliakkiunneqarsinnaavoq.

## Kapitali 8

### *Pineqaatissiisarnermut aalajangersakkat*

§ 25. Akiliisitsinissaq Inatsisartut inatsisaat malillugu aalajangersarneqarsinnaavoq pisuni makkunani:

- 1) Inuk imaluunniit suliffeqarfik tamatumunnga § 4 malillugu Atuisartoqarnermut Unammilleqatigiinnermullu Aqutsisoqarfimmit akuersissuteqarfigineqarsimanani, kapitali 4 naapertorlugu suliffeqarfimmut innuttaasunik ikiortarialinnik suliffissaqartitsisunut nalunaarsuiffimmi, suliffeqarfimmik suliffeqarfittut innuttaasunik ikiortarialinnut suliffissaqartitsisutut nalunaarsuisimasoq .
- 2) Inuk imaluunniit suliffeqarfik § 4 malillugu Atuisartoqarnermut Unammilleqatigiinnermullu Aqutsisoqarfimmit akuersissuteqarfigineqarsimanani atimini, nittarsaanermi allatigulluunniit suliffeqarfittut innuttaasunik ikiortarialinnik suliffissaqartitsisutut nalunaarsugaasumut taaguummik atuisoq.
- 3) Suliffeqarfik kapitali 2-mi piunasaqaammik ataatsimik arlalinnilluunniit naammassinninngitsaq ingerlaannaq Atuisartoqarnermut Unammilleqatigiinnermullu Aqutsisoqarfimmut nalunaarutiginaq, suliffeqarfimmi innuttaasunik ikiortarialinnik suliffissaqartitsisutut nalunaarsugaasumi qitiusumik aqutsisutut oqartussat § 5, imm. 1-imi aalajangersakkamik unioqqutitsisut.
- 4) Suliffeqarfik innuttaasunik ikiortarialinnik suliffissaqartitsisutut nalunaarsugaasoq, akileraaruteqareermermi suliffeqarfiup sinneqartoorutaanik innuttaasunik ikiortarialinnik isumaginninnani, § 7, imm. 1, nr. 5-imi aalajangersakkamik unioqqutitsisoq.
- 5) Suliffeqarfik innuttaasunik ikiortarialinnik suliffissaqartitsisutut nalunaarsugaasoq, atorunnaarsitsinermermi sinneqartoorutinik imaluunniit aningaasaatit appartinneqarnerini agguagarsisitsinikkut innuttaasunik ikiortarialinnik isumaginninnani, § 16, imm. 1-imi aamma 2-mi aalajangersakkanik unioqqutitsisoq.
- 6) Siusinnerusukkut suliffeqarfittut innuttaasunik ikiortarialinnik suliffissaqartitsisutut nalunaarsugaasimasoq, sinneqartoorutinik suliffeqarfiup Inatsisartut inatsisaat malillugu nalunaarsorsimanerata nalaani katersorneqarsimasut atorlugit innuttaasunik ikiortarialinnik isumaginninnani, § 16, imm. 3-mi aalajangersakkamik unioqqutitsisoq.
- 7) Inuk imaluunniit suliffeqarfik Inatsisartut inatsisaanni pineqartunut ilaasoq paasissutissanik eqqunngitsunik imaluunniit paatsuungatitsisunik imaluunniit paasissutissanik pisortani oqartussap Inatsisartut inatsisaat imaluunniit aalajangersakkat Inatsisartut inatsisaat malillugu aalajangersagaasut malillugit piunasaqaatigisaannik nipangiussiinnartoq, takuuk § 3, imm. 1 aamma 2, § 12, imm. 1, § 13 aamma § 20, imm. 2 aamma 3.
- 8) Suliffeqarfimmi innuttaasunik ikiortarialinnik suliffissaqartitsisutut nalunaarsugaasumi qitiusumik aqutsisutut oqartussat, suliffeqarfimmut innuttaasunik ikiortarialinnik suliffissaqartitsisunut nalunaarsuiffimmi kapitali 4 naapertorlugu suliffeqarfik nalunaarsorsimajunnaartinnagu, § 10-mi aamma § 12, imm. 2-mi aalajangersakkanik unioqqutitsisut.
- 9) Suliffeqarfik innuttaasunik ikiortarialinnik suliffissaqartitsisutut nalunaarsugaasoq, suliffeqarfittut innuttaasunik ikiortarialinnik suliffissaqartitsisunut nalunaarsuiffimmi § 13 malillugu suliffeqarfiup ukiumoortumik nalunaarusiaanik allatigulluunniit nalunaarusianik nalunaarsuinani, § 14-imi aalajangersakkamik unioqqutitsisoq.

*Imm. 2.* Unioqqutitsinermut Kalaallit Nunaanni pinerluttulerinermi inatsit malillugu akiliisitsisoqarsinnaasoq, aalajangersakkani Inatsisartut inatsisaat malillugu aalajangersarneqartuni aalajangersarneqarsinnaavoq.

*Imm. 3.* Imm. 1 imaluunniit aalajangersakkat Inatsisartut inatsisaat malillugu aalajangersarneqartut malillugit akiliisitsineq, takuuk imm. 2, Kalaallit Nunaanni pinerluttulerinermi inatsimmi malittarisassat malillugit inatsisitigut pisinnaatitaasunut pisussaatitaasunullu peqqussutaasinnaavoq.

*Imm. 4.* Inatsisartut inatsisaat imaluunniit aalajangersakkat Inatsisartut inatsisaat malillugu aalajangersarneqartut malillugit akiliisitsinerit nunatta karsianut tutsinneqassapput.

## **Kapitali 9**

### *Atuutilerpera*

§ 26. Inatsisartut inatsisaat ulloq 1. januar 2020 atuutilerpoq.

*Namminersorlutik Oqartussat, ulloq xx. xxxx 2019*

Kim Kielsen